

Trottinett

Gratuliere (Christian Hugelshofer, Patrik Meier, Monika Schär)

Samschtig Morge, laufe am Café verbii
bi scho lang nümme dinne gsii
cheere um und gange ie
suche ne Platz und denn gsehni Di

*hocksch det im däm Egge
d'Sunne strahlt Di a
Du bisch nid ellei
dass das Liebi isch gseht me Dir aa*

**i gratuliere Dir vo Härze - di beschte Wünsch vo mir
s'isch schön hesch öpper gfunde
wo so guet passt zu Dir
I gratuliere Dir vo Härze - i freue mi für Di
s'Glück het Di jetzt gfunde
genau eso wie mi**

Du dräisch Di um und luegsch mi aa
mit me Lächle i Dim Gsicht
i wink' Dir zue, mir wird chli warm
dänke zruigg a eusi gmeinsam Gschicht

*es isch viel Ziit vergange
sit mir eus händ verloh
ha öppe a Di dänkt
es isch schön träffe mir eus do*

*es cha nur öppis Nöis entstoh
wenn me s'Vergangne cha lo goh
ou i ha gfunde was i gsuecht ha gha
miis Härz ghört jetzt - em ne andere Maa*